



Publicaziuns officialas dils 06-0978-2019

Damondas da baghegiar

Nr. 82/2019

Datum da publicaziun: 06-09-2019

Patrun: Vischnaunca Sumvitg, 7175 Sumvitg

Liug e parcelas: Bostg; 8044

Object: adattaziun da terren per menar l'aua

Ils profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 06-09-2019

Cumissiun da baghegiar

Uffeci civil Surselva

Naschientscha

Candinas Malin, naschida ils 18-08-2019 a Glion, affon da Sigisbert e Denise Candinas, sesents a Sumvitg.

Sumvitg, 06-09-2019

Controlla da habitonts

Serrada dalla via Rosas

A partir dils 19 d'uost 2019 vegn il conduct d'aua dalla firma Axpo sanada sil tschancun denter Bogn Tenigia e Runcahez. Per exequir las lavurs sto la via da Rosas denter la Val Caho e la Val Camenisch vegnir serrada per tut il traffic motorisau. A pei e cun velo eis ei pusseivel da passar. Las lavurs cuozzan entochen la fin november 2019.

Dapli informaziuns survegnis vus tiel l'Axpo Hydro Surselva AG / Tavanasa tel. 081 929 25 11. Engraziel per Vossa capientscha.

Sumvig, 06-09-2019

Axpo Hydro Surselva AG

Scargada Naustgel

14-9-2019 naven dallas 11.30 scargada a Reits/Surrein cun program da rama dil Chor mischedau Surrein, dalla Uniun da platialas Muraun e dils Sunatibas Posta biala.

Lotto in Rabius

5-10-2019 naven dallas 18.00 en scola a Rabius lotto cun bials premis ella valeta da rodund 11 000 francs.

Uniun samaritana Sumvitg-Trun

Caras samaritanas e cars samaritans, sco entschatta da nos exerchezis envidein nus vus al referat da dunna Eliane Bieri. Ella plaيدا sur dil tema «Sterben können heisst leben lernen». L'occurrentza ha liug **mardis, ils 10 da settember 2019** dallas 19.00 en claustra a Glion. Nus serimnein allas 18.15 sil parcadi avon la casa communal a Trun. Nus selegrein sche biaras e biars san esser dalla partida. Per levgiar l'organisaziun supplichein nus da dar part tier in'eventuala assenza. Era confamigliars ni ulteriurs interessents san bugen prender part. Nus schein a bien seveser e salidein cordialmein *la suprastonza*

Pro Senectute a Cumpadials

Meisa da miezdi (gentar communabel)

Pro Senectute Surselva organisescha ensemen cun Nadja Scolieri ell'Ustria dalla Staziun a Cumpadials ina meisa da miezdi (gentar communabel) inagada per meins, mintgamai il venderdis. Intent dalla meisa da miezdi duei esser da promover la cumminonza ella vischnaunca da Sumvitg e contuorn denter las personas ella vegliadetgna dalla pensiun. Plinavon dat ei la pusseivladad d'embellir quella occasiun cun star suentermiezdi da cumpignia cun dar in scart troccas ni auters giugs.

Liug: Ustria dalla Staziun, 7176 Cumpadials

Datum: **venderdis, ils 13 da settember 2019** allas 12.00

Annunzias: Ein da far entochen mesjamna sera tier Ustria dalla Staziun, Cumpadials tel. 081 943 19 22

Uniun SumvitgViva

Preziai commembers e preziadas commembras

Sco informau alla radunonza generala la primavera, fagein nus lavur cumina **sonda, ils 14 da settember 2019** a Sumvitg. Nus s'entupein allas 8.15 sin Plaz Cadruvi. Suenter la lavur – entuorn miezdi – offerescha l'uniun SumvitgViva ina grillada communabla. Mintgin duess far aschi bien e prender cun buns calzers, vons ed uaffens adattai per la lavur sin differentas vias d'uaul. Secapescha ei in e scadin – era tals ch'eiin buc ell'uniun –cordialmein beinvegni. Cordials salids *L'uniun SumvitgViva*

Apparat d'udida

Gliendisdis, ils 16 da settember 2019 saveis Vus schar schubergiar e rugalar Vies aparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el Puntreis, Center da sanadad a Mustér

Las firmas Amplifon cun dunna Roffler e Jäggi cun signur Gfeller surprendan

communablamein quei survetsch gratuit per tuts interessents. Ei drova negina annunzia.